

<b>Adroddiad i'r:</b>	Pwyllgor Craffu Partneriaethau
<b>Dyddiad y Cyfarfod:</b>	8 Tachwedd 2012
<b>Awdur yr Adroddiad:</b>	Swyddog Gwasanaethau Democrataidd
<b>Teitl:</b>	Rhaglen Waith Craffu

---

## 1. Ynglŷn â beth mae'r adroddiad?

Mae'r adroddiad yn cyflwyno blaenraglen waith ddrafft i'r Pwyllgor Craffu Partneriaethau i'r aelodau ei hystyried.

## 2. Beth yw'r rheswm dros wneud yr adroddiad hwn?

Gofyn i'r Pwyllgor adolygu a chytuno ar ei raglen waith yn y dyfodol, a diweddarau'r aelodau ar faterion perthnasol.

## 3. Beth yw'r argymhellion?

Bod y Pwyllgor yn ystyried yr wybodaeth a ddarparwyd ac yn cymeradwyo, diwygio neu newid ei flaenraglen waith fel yr ystyria'n briodol.

## 4. Manylion yr adroddiad.

4.1 Mae Erthygl 6 Cyfansoddiad y Cyngor yn nodi cylch gwaith, swyddogaethau ac aelodaeth pob Pwyllgor Craffu, tra bo rheolau'r drefn ar gyfer pwyllgorau craffu wedi'u nodi yn Rhan 4 y Cyfansoddiad.

4.2 Mae Cyfansoddiad Cyngor Sir Ddinbych yn mynnu bod pwyllgorau craffu'n paratoi rhaglen ar gyfer eu gwaith yn y dyfodol ac yn ei chadw dan arolwg. Trwy adolygu a blaenoriaethu materion, mae'r aelodau'n gallu sicrhau bod y rhaglen waith yn cyflenwi agenda a arweinir gan yr aelodau.

4.3 Am nifer o flynyddoedd bu hi'n arfer mabwysiedig yn Sir Ddinbych i bwyllgorau craffu gyfyngu nifer yr adroddiadau a ystyrir mewn unrhyw un cyfarfod i uchafswm o bedwar ynghyd ag adroddiad rhaglen waith ei hun y Pwyllgor. Nod y ffordd yma o fynd ati yw hwyluso trafodaeth fanwl ac effeithiol ar bob pwnc.

4.4 Gofynnir i'r Pwyllgor ystyried ei raglen waith ddrafft ar gyfer cyfarfodydd i ddod fel y'i nodwyd yn atodiad 1 a'i chymeradwyo, diwygio neu'i newid fel yr ystyria'n briodol. Wrth benderfynu ar y rhaglen waith gofynnir i'r aelodau gymryd i ystyriaeth:

- materion a godwyd gan aelodau'r Pwyllgor
- materion a gyfeiriwyd ato gan Grŵp Cadeiryddion ac Is-Gadeiryddion Craffu

- ei pherthnasedd i flaenoriaethau'r Pwyllgor/Cyngor/gymuned
- Cynllun Corfforaethol y Cyngor ac Adroddiad Blynyddol Cyfarwyddwr y Gwasanaethau Cymdeithasol
- llwyth gwaith y cyfarfod
- amseroldeb
- canlyniadau
- materion a gwybodaeth allweddol sydd i'w cynnwys mewn adroddiadau
- swyddogion ac/neu aelodau arweiniol y Cabinet y dylid eu gwahodd (gyda golwg ar ba un a oes angen eu presenoldeb neu a fydda'n ychwanegu gwerth)
- cwestiynau i'w gofyn i swyddogion/aelodau arweiniol y Cabinet

4.5 Wrth ystyried eitemau at y dyfodol i'w cynnwys yn y flaenraglen waith fe all aelodau ei chael yn ddefnyddiol hefyd ddal sylw ar y cwestiynau canlynol wrth benderfynu addasrwydd pwnc i'w gynnwys yn y rhaglen waith:

- beth yw'r mater?
- pwy yw'r rhanddeiliaid?
- beth sy'n cael ei ystyried yn rhywle arall?
- beth y mae angen i graffu ei wybod? a
- phwy a all fod yn gallu cynorthwyo?

4.6 Fel y soniwyd ym mharagraff 4.2 mae Cyfansoddiad Cyngor Sir Ddinbych yn mynnu bod pwyllgorau craffu'n paratoi rhaglen ar gyfer eu gwaith yn y dyfodol ac yn ei chadw dan arolwg. I gynorthwyo'r broses o flaenoriaethu adroddiadau, os yw swyddogion o'r farn fod pwnc yn teilyngu amser i'w drafod ar agenda busnes y Pwyllgor mae'n rhaid iddynt ofyn yn ffurfiol i'r Pwyllgor ystyried derbyn adroddiad ar y pwnc hwnnw. Gwneir hyn trwy gyflwyno 'ffurflen gynnig' sy'n egluro pwrpas, pwysigrwydd a chanlyniadau posibl pynciau a awgrymir. Nid oes dim ffurflenni cynnig wedi'u derbyn i'w hystyried gan y Pwyllgor yn y cyfarfod presennol.

#### 4.7 Blaenraglen Waith y Cabinet

Wrth benderfynu ar eu rhaglen waith yn y dyfodol mae'n ddefnyddiol i bwyllgorau craffu ddal sylw ar raglen waith drefnedig y Cabinet yn y dyfodol. I'r diben hwn atodir copi o flaenraglen waith y Cabinet yn Atodiad 2.

#### 4.8 Partneriaeth Diogelwch Cymunedol

##### *Darpariaeth Teledu Cylch Cyfyng*

Yng nghyfarfod blaenorol y Pwyllgor, wrth drafod y Partneriaeth Diogelwch Cymunedol, codwyd nifer o gwestiynau am ddarpariaeth Sir Ddinbych ar gyfer Teledu Cylch Cyfyng a dywedodd y Pennaeth Cynllunio a Diogelu'r Cyhoedd y byddent yn cael eu hegluro yng nghyfarfod nesaf y Tîm Gweithredol Corfforaethol. Cafwyd yr

wybodaeth ddiweddaraf am y materion a drafodwyd yn y cyfarfod hwn ac mae'r prif bwyntiau wedi'u crynhoi yn Atodiad 3.

Mae'r Pennaeth Cynllunio a Diogelu'r Cyhoedd wedi cynghori y byddai'n briodol i un o'r pwyllgorau craffu ystyried y dewisiadau ar gyfer darparu gwasanaeth yng ngoleuni'r gofynion arbed a nodwyd ar gyfer y tîm Teledu Cylch Cyfyng ym mis Chwefror, mis Mawrth neu fis Ebrill y flwyddyn nesaf.

#### *Materion yr Heddlu a gyfeiriwyd at Grŵp Gweithredu'r Heddlu*

Yn ystod y drafodaeth, codwyd hefyd nifer o faterion mewn perthynas â chyfraith a threfn a dywedodd Rheolwr y Bartneriaeth Diogelwch Cymunedol y byddai'r rhain yn cael eu cyfeirio at Grŵp Gweithredu'r Heddlu. Mae ymateb a gafwyd gan Reolwr y Bartneriaeth Diogelwch Cymunedol wedi'i gynnwys yn Atodiad 4.

#### 4.9 Y Diweddaraf: Addysg Uwch yng Ngogledd Cymru – Erthygl Gwasg Prifysgol Glyndŵr

Yn dilyn yr adroddiad am yr Adolygiad o Addysg Uwch yng Ngogledd Cymru a gafodd y Pwyllgor ar 27 Medi, cododd y Cynghorydd Huw Williams bryder yng nghyfarfod y Pwyllgor ar 11 Hydref fod Canllaw Prifysgolion *The Times* wedi canfod lefel isel o foddhad myfyrwyr ym Mhrifysgol Glyndŵr, a gofynnodd am archwilio hyn. Mae'r Cyfarwyddwr Corfforaethol: Cwsmeriaid wedi cysylltu â Phrifysgol Glyndŵr i ofyn am eglurhad a bydd hwn yn cael ei anfon at aelodau'r Pwyllgor pan geir ymateb.

#### 5. **Sut y mae'r penderfyniad yn cyfrannu at y Blaenoriaethau Corfforaethol?**

Bydd craffu effeithiol yn cynorthwyo'r Cyngor i gyflenwi ei flaenoriaethau corfforaethol yn unol ag anghenion y gymuned a dymuniadau'r preswylwyr. Bydd datblygu ac adolygu rhaglen waith gyd-drefnus yn barhaus yn cynorthwyo'r Cyngor wrth fonitro ac adolygu materion polisi.

#### 6. **Beth fydd yn ei gostio a sut fydd yn effeithio ar wasanaethau eraill?**

Efallai y bydd angen i Wasanaethau neilltuo amser swyddogion i gynorthwyo'r Pwyllgor gyda'r gweithgareddau a nodwyd yn y flaenraglen waith, a gydag unrhyw gamau a all ddeillio ar ôl ystyried yr eitemau hynny.

#### 7. **Pa ymgynghoriadau sydd wedi'u cynnal?**

Nid oes angen dim ar gyfer yr adroddiad hwn. Serch hynny, mae'r adroddiad ei hun ac ystyried y flaenraglen waith yn cynrychioli proses

ymgyngori gyda'r Pwyllgor mewn perthynas â'i raglen waith yn y dyfodol.

**8. Pa risgiau sydd ac a oes unrhyw beth y gallwn ei wneud i'w lleihau?**

Nid oes dim risgiau wedi'u clustnodi mewn perthynas ag ystyried blaenraglen waith y Pwyllgor. Er hynny, trwy adolygu ei flaenraglen waith yn rheolaidd gall y Pwyllgor sicrhau bod meysydd risg yn cael eu hystyried a'u harchwilio wrth iddynt gael eu clustnodi, a bod argymhellion yn cael eu gwneud gyda'r bwriad o fynd i'r afael â'r risgiau hynny.

**9. Grym i wneud y penderfyniad**

Mae Erthygl 6.3.7 Cyfansoddiad y Cyngor yn amodi bod rhaid i bwyllgorau craffu'r Cyngor baratoi rhaglen ar gyfer eu gwaith yn y dyfodol a'i chadw dan arolwg.

**Swyddog Cyswllt:**

Swyddog Gwasanaethau Democrataidd

Rhif Ffôn: (01824) 712575

Ebost: [dcc\\_admin@denbighshire.gov.uk](mailto:dcc_admin@denbighshire.gov.uk)